

校之創修城郭衙署之建

置以及秩官選舉諸大政

誠不可無志焉辛丑夏燾

銜

命佐守三廉履任後知

刺史徐公選集三屬學博紳

士重脩郡志自康熙壬子
以來舉五十祀所缺畧者
詳爲論定而紀之其前志
之舛譌者悉爲考訂

刺史躬親筆削不憚寒暑將
告成書燾幸覽全稿不揣

固謬少叅末議蓋聞志者
志也尼父曰吾志在春秋
夫春秋魯史也夫子假二
百四十年行事之權筆削
之列而爲經褒善貶惡夫
子之志見矣茲廉志何志

哉亦惟褒善貶惡而已褒
貶既明有善無惡文物之
美駸駸日上管子曰十季
之計樹木百年之計樹人
一樹十獲者木也一樹百
獲者人也潔已樹人豈無

所獲揆諸理勢原非過計
安見山海經邊所謂天地
盛大流行之氣其遲至而
緩發者不媲美於先至而
急發之邦也耶顧燾鸞技
易窮豹斑未廣尚異名賢

廓所弗逮云爾

康熙辛丑季秋同知廉州

府事嘉禾孫燾謹撰



廉州府志原叙

郡縣之誌何爲也上以佐太史備博採編而
達之

九重可以深居而周知天下之事物下以資司
牧者得悉民情土俗一切興革之宜張弛之
用藉以審勢識變無所處而不當若夫宦跡
之流傳才節之表著以寓褒貶彰毀譽使千
載人心知所感奮又其餘事也廉郡僻在瀕

海當

鼎定之初淪於兵火者久之予以

今上龍飛之六年一馭至止見荒烟蔓草酸

目驚心案牘殘失紳耆杳無其人日捧

簿書以求無境云爾迨己酉課生童

乃二三子衿尚有操觚講藝者在因諮以郡

誌書皆默然無以應徐而曰廉人抱頭鼠竄

已閱十餘年今日子遺皆餘燼也何書爲予

聞之不覺淚潛潛下且甚憐遐荒邊地不獲

蚤寤

聖化以至斯極也雖然秦火之後未嘗無書是在購求之善吾亦安可謂非吾事耶已而檄之州邑檄之學博甚而檄之葑屋窮簷野夫村叟冀於片紙隻字或得一遇不惜傾筐倒庋購之如是者三年而卒無應之者寧無懼乎哉壬子奉

敕纂修

大清一統志編行採輯隨奉

上檄徵郡志甚急此

一代大典所關予忝郡責寧可以子衿之報
予者報

上臺也爰力督諸員召集逸老有購得舊本
者無論斷節殘編售百金有能撫拾諸書義
涉廉事與夫遠近故蹟或得之野記或訪之
人言可備採錄者咸分別徧搜不遺雅俗又
竊仰天私祝曰某眇爾郡守惟賴

皇上之福暨

上憲之庇俾獲藉手成書以展職分仰襄